


www.BibleForChildren.org

Matthew 26



Hidin onom
di algo ya ahi
madatngan nan
ngilin ya imme da
Jesus hi ad Betani an
nunhituwan din nate an
hi Lasarus an tinagun
Jesus. Yaden hi Mary
e ya ena inukat han
butilyan nattuwan hi na'angnginan
lana an nard ot ihiitnah huki
Jesus ot pamu'nahnay ibu'na. Ta
immalimuttamut di banglunah nan bale.



Hi Judas Iskariot an ohah nadan Apostoles ya immeh awadan nadan nabaktun padi ot hahapitonday atondan e muntiliw i Jesus. Ya immamlong dadiyen nabaktun padi an alyonday, Ta'omman ya indattan da'ah pihhu. Ta nihipun i diye ya bobota'on Judas di ena pangipatiliwan i Jesus.




Ta imme nadan itudtuduwan
Jesus an inunudda nan inalina
ot inayundan idadaan nan makan.
I diyen mangmanganda ya inalan
Jesus nan tinapay ot munhana i
Apu Dios ot upi' upingona ot
ipiyappongna nahan itudtuduwana
ot alyonay, Anonyuh naen tinapay
te hiyah naey adol'u.




Ot alana bo nan basu an nattuwan
hi bayah ot mundasal. Ot alyonay,
Uminum ayun namin te hiyah tuwey
dala' an mangipa'innila an wada han
balun imbagan Apu Dios hi atonah
nadan tatagu. Mu ahi ma'at datuwe
ya mahapul an mipapateya' ta way
aton di bahul nadan dakol an
tatagun mapakawan.



Alyon Jesus i Peter di, Donglom Simon Peter tun
ibaga'. Imbagan Satanas i Apu Dios an patnaon
da'yu ta wan iwalongyuy pangulugyun ha'on. Mu
he''a ahan Peter di idasadasala' ta wan adim
iwalong di panglugmun ha''on.



Ya di'et kimapuy di pangulugmu ya indani ya
nuntutuyu'a ta ibangngadmun mangun'unud i ha'on ya
hanat boddangam nadan ibbam ta mihamad damdamay
pangulugda. Ya alyon Peter di, Apu Jesus, ta'on on
nganney ma'at ya miyunuda' i he''a an ta'on onta
mabalud onu mipapate. Ya alyon Jesus di, Peter,
ibaga' i he''a an adi
tumalanuh ad uwanin
mahdom ya
mumpitlun alyom
hi aggeya' innila.



Ot inayun da Jesus hinadan itudtuduwana an umeh ad Getsemani. Ta onda dimmatong hidi ot alyonan diday, Umbun ayu ni' hitu ta eya' mundasal hidi dee. Ta alyona di, Ama, ma" id ha adim abalanan. Ot daan mo bahan ta adim iyabulut hituwen e' holtapon? Mu bokon hanan pohdo' di ma'at te nan pohdom.



Ot i'uyug Judas nadan dakol an titindalu ya nadan pulis an hinnag nadan nabaktun padi ya nadan Paliseu ot ipanguluna didahdih nan awadan da Jesus an nundilagda ya numpangdondah matadom. Ya na'ibagonnot nan ohan didan pinalang nan winawwan an ingan nan ohan himbut nan nabaktun padi ta na'aan. Mu inalin Jesus di, Ammuna. Ot idapanay ta'lenah ingan diyen napalang ya na'ibagan napoyanan.



Ta hidin tiniliwdah Jesus ot iyedah balen nan nabaktun padi. Ya niyunu'unud hi Peter mu nibata''an. Ot hidin tinigon Peter an nun'apuydah nan lita' 'angan an nali'li'woh nadan tatagun inumbun ot e mi'ibun i dida.



Mu alyon bon nan ohan
himbut nan nabaktun
padi i Peter di, Ot
ten tinigo da'ahdih
nan way natanoman hi
olibon? Hidiyen himbut
ya nitulang i Malkus an hiya
nan pinalang Peter di ingana.
Mu inha''ut bon Peter. Ya
alinah on timmalanu han
kawitan. Ot makak hidih
Peter an nunhiglay
luwana hi hakit di
nomnomna i diyen inatna.





Ya natanna' dog nadan munhumalya
ot iyedah Jesus hi awadan Pilatu.
Ot alyon Pilatu i hiyay, Aa, on he''a
nan Patul di Judyu? Ya alyon Jesus
di, Immannung hinaen
inalim. Ta impatnan
Pilatu an ihapitan dida
te pohdonan ilubus hi
Jesus. Mu ondaot iyal'alan
muntukuk an alyonday,

Ipipata'muh krus.




Ot ipa'alan mon Pilatu hi Jesus i dida ta eda ipipata' hinan krus. Ta onda nakak ot ipipohondan Jesus nan krus an ipata'ana ta inggana ot dumatongdah nan nabaktu an nungngadan hi Ba'ag Di Ulu. Ya hinan hapit di Judyu ya Golgota.



Ta hidiy nangipata' andan Jesus.
Ya wadada boy duwan linala'in
impipata'dah nan duwan krus
an numbinahhelonda
i Jesus.



Ya hana'en abilog an nikultinahdih nan Templo ya pamaaggot mahethet ta nunduwa. Ya hidiyey tinumkukan Jesus an alyonay, Ama, he''ay pangiyukoda' hi linnawa'. Ot inayunan ma'unguh.



Hidin mun'ahdom i diyen algon
pundadaanamin Judyu hinadan
usalonmi i diyen mabiggat an
Habadun tungo ya wada
han hi Joseph an i
Arimatea an ohan
ap'apumin Judyu
an pohpohdonmi
an hiyay ohan

manmannod hinan
pun'ap'apuan Apu
Dios an intulidna ot
umeh balen Pilatu ot
ena ibaga ta
iyabulutna ta ena
ilubu' nan adol Jesus.



Ot ma'anneh Joseph ot e gumattang
i han balu an linen ot ena la'ahon
nan adol Jesus ot libbutana
i diyen linen ot ena ilubu'
hinan naka''utan hinan
doplah ot tungabona
i han ongal an batu.



Hidin nabiggat an Habadu ya
na'amung nadan nabaktun
padi ya nadan Paliseu
hi awadan Pilatu
ot alyonda i hiyay,
Apu Gobelnador, . . .



... ninomnommi ta'wa
din inalin nan munlayah
an hi Jesus hidin aggena
natayan an alyonay
mate'e anu ya mala"uh
di tuluy algo
ya tumagu.



Ta onda imme ot litaonda
nan tungab nan lubu'an
ta nihamad an adi
mabalin hi mapa''ih.
Ot ipaguwalyadah
nadan tindalu.



Hidin nala' 'uh nan Habadun tungo
an hiyah mun'awiwi"it i diyen
namangulun algo i diyen
duminggu ya immeh Mary
Magdalene ya nan oha
bon hi Mary hinan
way nilubu'an Jesus
ta eda tigon.



Ya alinah on nangingin'a'alyog i han
nunhiglan umipatakut te nan
anghel Apu Dios an nalpuh ad
abunyan ya ena dinlig nan
ongal an batun nitungab
hinan lubu' ot
umbunana. Ta
nangintattakut

nadan
mungguwalya ta
munggayonggongda
ot mun'atutukkadda
ta ayda nate.



Mu alyon nan anghel hinadan binabai
di, Adi ayu tumakut te innila'
an hi Jesus an nipata' ni
hinan krus di pohdonyun
tigon. Mu ma'id
mohtu te namahuwan
te hidiyey inalina
tuwali.

Ot ma'ayu ta
tigonyu nan
nipalo'ana.




Ta timmakut dadiyen binabai mu
nunhigla damdamay amlongda ta
muntinnagtagdan e mangipa'innilah
nadan intudtuduwan Jesus. Mu
hidin mangeda ya dinamudaot hi
Jesus ot alyonan diday, Ya ne
on da'yu. Ya na'ibagadan
e nundu''un ot idondah



hukina ot dayawonda.





Indani ya numpatigo mahan moh Jesus hinadan
himpulut ohan (11) Apostoles i han pangananda ot
ihingalna didah aggeda namatiyan hinan imbagan
nadan ibbada an hiya ya namahuwan. Hidin nagibbuh
an ni'hapit hi Jesus hinadan itudtuduwana ot
mipatuluh ad abunyan ot e umbun hi way winawwan
Apu Dios ta middum i hiyan mun'ap'apu.



Te hi Apu Dios ya nunhiglay pamhodnah
nadan tatagu ta hiya nan impa'alina nan
binuktung an Imbabalena ta an namin
nadan mamati i hiya ya adida
mihiwwe i Apu Dios te
mi'tagudan hiyah
munnananong.



Roma 3:23

Te an namin ta'u ya numbahul ta'u an ma''id ha ta'on hi ohah agge nangibahhoh nan pinhod Apu Dios hi atona.

Roma 6:23

Te hay dusan di bahul ya ate an ihi''anan i Apu Dios hi inggana. Mu nan ihmo' Apu Dios ya nan itaguwan hi munnananong an gapuh nan nangabulutan ta'u i Jesu Kristu an Ap'apu ta'u.

Hebrews 9:27

Ya nibaga tuwali an maminghan an matey tagu ta nate'e ya humalyaon mon Apu Dios.

Epesus 2:8,9

Ta mabalin mo an mi'tagu ta'u i Apu Dios an gapuh kimmulugan ta'u mu bokon dita'uy nangat ituwe te gapuh nan homo'nan dita'u.



Ot hiya nan adi mabalin hi mumbaktu ta'u te bokon nan maphod an pangat di lummuhi pi'taguwan ta'u i Apu Dios.

Roma 10:9,10

Te hay mahapul ta'ahi mabalin an mi'tagu ta'un Apu Dios ya patiyon ta'u an hi Jesu Kristu ya minahuwan Apu Dios hidin natayana. Ya abuluton ta'un hiyay Ap'apu ta'u. Mu mahapul bon ibaga ta'uy kimmulugan ta'uh nadan ibba ta'un tatagu. Te nan tagun iyukodnay nitaguwana i Jesu Kristu ya ipa'innilaanay kimmuluganah ibbanan tagu ya hiyay ibilang Apu Dios hi maphod.

John 3:16,17

Te hi Apu Dios ya nunhiglay pamhodnah nadan tatagu ta'hiya nan impa'alina nan binuktung an Imbabalena ta'an namin nadan mamati i hiya ya adida mihiwwe i Apu Dios te mi'tagudan hiyah munnananong.



Te hi Apu Dios ya aggena hinnag nan Imbabalena ta dusaona nadan tatagu mu hinnagna ta hiyay mangiyateh bahulda ta wan mabalin an mi'tagudan hiya.

1 John 5:11-13

Te hay imbagan Apu Dios ya alyonay pi'taguwonah munnananong nan tagun nangabulut i Jesu Kristu hi nitaguwana. Ot nan tagun wada nan Imbabalen Apu Dios hi nitaguwana ya hiyay mi'taguh munnananong. Mu nan ma''id nan Imbabalen Apu Dios hi nitaguwana ya adi mi'tagu i Apu Dios hi munnananong. Intudo''u datuwe i da'yun mumpangulug hinan Imbabalen Apu Dios ta waday dinolyu an mi'tagu ayu i Apu Dios hi munnananong.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ifugao, Amganad Bible (ifa) © 2014, Wycliffe Bible
Translators, Inc. All rights reserved.

<https://live.bible.is/bible/IFAWBT/GEN>

©2024 Bible for Children, Inc.

www.M1914.org

www.bibleforchildren.org

